

গণপ্রজাতন্ত্রী বাংলাদেশ সরকার
দুর্যোগ ব্যবস্থাপনা অধিদপ্তর
দুর্যোগ ব্যবস্থাপনা ও ত্রাণ মন্ত্রণালয়
জরুরি সাড়াদান কেন্দ্র (ইওসি)
www.ddm.gov.bd
৯২-৯৩ মহাখালী বা/এ, ঢাকা-১২১২

স্মারক নম্বর: ৫১.০১.০০০০.০২৭.১৫.০০১.১৮.১৬৯

তারিখ: ১৪ জ্যৈষ্ঠ ১৪২৮

২৮ মে ২০২১

বিষয়: **দুর্যোগ সংক্রান্ত দৈনিক প্রতিবেদন।**

ঘূর্ণিঝড় “ইয়াস” সম্পর্কে মাননীয় প্রতিমন্ত্রী, দুর্যোগ ব্যবস্থাপনা ও ত্রাণ মন্ত্রণালয় এর প্রেস ব্রিফিং:

ঘূর্ণিঝড় “ইয়াস” এর প্রভাবে বাংলাদেশের উপকূলীয় জেলায় ক্ষয়ক্ষতি এবং সার্বিক পরিস্থিতি অবহিত করার জন্য দুর্যোগ ব্যবস্থাপনা ও ত্রাণ মন্ত্রণালয়ের মাননীয় প্রতিমন্ত্রী ডা. মোঃ এনামুর রহমান, এমপি আজ ২৬ মে, ২০২১ তারিখ দুপুর ২.০০টায় একটি প্রেস ব্রিফিং করেন। এ সময় মন্ত্রণালয়ের সচিব জনাব মোঃ মোহসীন এবং উর্দ্ধতন কর্মকর্তাবৃন্দ উপস্থিত ছিলেন।

প্রেস ব্রিফিং এ মাননীয় প্রতিমন্ত্রী আলোকপাত করেন যে, ভৌগোলিক অবস্থান ও জলবায়ু পরিবর্তনের বিরূপ প্রভাবের কারণে জনবহুল বাংলাদেশ বিশ্বের অন্যতম দুর্যোগ প্রবণ দেশ হিসেবে চিহ্নিত। পূর্ব-মধ্য বঙ্গোপসাগর ও তৎসংলগ্ন এলাকায় সৃষ্ট ঘূর্ণিঝড় ‘ইয়াস’ কয়েক ঘন্টা আগে স্থলভাগে আঘাত হেনেছে। ঘূর্ণিঝড় ‘ইয়াস’ মোকাবেলায় সরকারের সার্বিক পূর্ব-প্রস্তুতি হিসেবে আমরা গত কয়েকদিন যাবত নিরলসভাবে কাজ করেছি। ঘূর্ণিঝড়ের সর্বশেষ অবস্থা নিয়ে আপনাদের সাথে আমার কয়েকবার প্রেস ব্রিফিংয়ে কথা হয়েছে। উপকূলীয় জেলা, উপজেলাসমূহে ঘূর্ণিঝড়ের তথ্য আদান-প্রদানে নিয়ন্ত্রণ কক্ষ খোলা হয়েছে। দুর্যোগ ব্যবস্থাপনা ও ত্রাণ মন্ত্রণালয়ের এনডিআরসিসি ঘূর্ণিঝড়ের তথ্য সংগ্রহ ও আদান প্রদানে সার্বক্ষণিক কাজ করেছে।

মাননীয় প্রতিমন্ত্রী বলেন যে, ঘূর্ণিঝড় ‘ইয়াস’ এর প্রভাবে উপকূলীয় ১৪টি জেলার (পটুয়াখালী, সাতক্ষীরা, বরগুনা, বালকাঠি, পিরোজপুর, বরিশাল, ভোলা, বাগেরহাট, চাঁদপুর, লক্ষ্মীপুর, খুলনা, ফেনী, চট্টগ্রাম, নোয়াখালী) নিম্নাঞ্চল ও চর এলাকায় স্বাভাবিক জোয়ারের চেয়ে ২-৩ ফুট উচ্চতায় জোয়ারের পানি উঠেছে। ঘূর্ণিঝড়ে উপকূলীয় জনগণকে আশ্রয় দেয়ার জন্য ৬২৫১টি আশ্রয় প্রস্তুত রাখা হয়েছিল। মোট ১৭,৫৬৭ জন লোক গতকাল রাতে আশ্রয়কেন্দ্রে অবস্থান নেয়। অদ্য সকালে এ সকল লোকজন নিজ নিজ বাড়ীঘরে ফিরে গেছে। আশ্রয়কেন্দ্রে আশ্রিত লোকদের মধ্যে দুর্যোগ ব্যবস্থাপনা ও ত্রাণ মন্ত্রণালয়ের দেয়া বরাদ্দ জেলা প্রশাসন কর্তৃক শুকনা ও অন্যান্য খাবার সরবরাহ করার জন্য প্রস্তুত রাখা হয়েছিল।

উপকূলীয় এলাকায় সিপিপি’র ৭৬ হাজার স্বেচ্ছাসেবক ছাড়াও স্কাউট, রেড ক্রিসেন্ট সোসাইটি, আনসার ভিডিপির স্বেচ্ছাসেবকগণ কাজ করছে। সিপিপি স্বেচ্ছাসেবকগণের মধ্যে খুলনা বিভাগে ১১,৪৮০ জন, বরিশালে ৮,২০০ জন, বরগুনায় ১১,৬০০ এবং ভোলায় ১৩,৬০০ জন সিপিপি স্বেচ্ছাসেবক মাঠে কাজ করছে। এ কারণে স্থানীয় প্রশাসন ও সিপিপি স্বেচ্ছাসেবকদের মাধ্যমে নিম্নাঞ্চল, বিচ্ছিন্ন চরাঞ্চল থেকে আগেই মানুষকে উঁচু স্থানে সরিয়ে আনা হয়েছে। ঝড় আঘাত হানলে মানুষকে আশ্রয়কেন্দ্রে আনার জন্য আশ্রয়কেন্দ্রগুলো প্রস্তুত ছিল। মানবিক সহায়তার যথেষ্ট সংস্থান আগে থেকেই করা ছিল। এ ছাড়া স্বাস্থ্যবিধি মেনে আশ্রয়কেন্দ্র ব্যবস্থাপনার জন্য যথেষ্ট মাস্ক এবং স্বাস্থ্য উপকরণ নিশ্চিত করা হয়েছিল।

আজ (২৬/০৫/২০২১ তারিখ) ঘূর্ণিঝড় “ইয়াস” এর প্রভাবে জোয়ারের পানি বৃদ্ধি পাওয়ায় উকূলয় ৯টি জেলার ২৭ উপজেলায় ক্ষতিগ্রস্তদের মানবিক সহায়তা প্রদানের লক্ষ্যে ১৬,৫০০ (ষোল হাজার পঁচাত্তর) প্যাকেট শুকনা ও অন্যান্য খাবার সংশ্লিষ্ট জেলা প্রশাসকগণের অনুকূলে বরাদ্দ দেওয়া হয়েছে।

সমুদ্র বন্দরসমূহের জন্য সতর্ক সংকেতঃ

সতর্কবার্তা, তারিখ: ২৭.০৫.২০২১

উত্তর উড়িষ্যা ও তৎসংলগ্ন এলাকায় অবস্থানরত ঘূর্ণিঝড় “ইয়াস” আরো উত্তর-উত্তরপশ্চিম দিকে অগ্রসর ও দুর্বল হয়ে আজ (২৭ মে, ২০২১) ভোর ০৬টায় গভীর নিম্নচাপ আকারে উত্তর উড়িষ্যা ও তৎসংলগ্ন ঝাড়খন্দ এলাকায় (২২.৭^০ উত্তর অক্ষাংশ এবং ৮৫.৫^০ পূর্ব দ্রাঘিমাংশ) অবস্থান করছিল। এর প্রভাবে উত্তর বঙ্গোপসাগর ও বাংলাদেশের উপকূলীয় এলাকায় বায়ুচাপ পার্থক্যের আধিক্য বিরাজ করেছে। সাগর উত্তাল রয়েছে।

চট্টগ্রাম, কক্সবাজার, মংলা ও পায়রা সমুদ্র বন্দরসমূহকে ০৩ (তিন) পুনঃ ০৩ (তিন) নম্বর স্থানীয় সতর্ক সংকেত দেখিয়ে যেতে বলা হয়েছে।

বায়ুচাপ পার্থক্যের আধিক্যের প্রভাবে খুলনা, সাতক্ষীরা, বাগেরহাট, ঝালকাঠি, পিরোজপুর, বরগুনা, পটুয়াখালী, বরিশাল, ভোলা, নোয়াখালী, লক্ষ্মীপুর, ফেনী, চাঁদপুর, ও চট্টগ্রাম জেলাসমূহ এবং তাদের অদূরবর্তী দ্বীপ ও চরসমূহে ঘন্টায় ৬০-৮০ কিঃ মিঃ বেগে দমকা অথবা ঝড়ো হাওয়া বয়ে যেতে পারে।

বায়ুচাপ পার্থক্যের আধিক্য ও পূর্ণিমার প্রভাবে খুলনা, সাতক্ষীরা, বাগেরহাট, ঝালকাঠি, পিরোজপুর, বরগুনা, পটুয়াখালী, বরিশাল, ভোলা, নোয়াখালী, লক্ষ্মীপুর, ফেনী, চাঁদপুর, ও চট্টগ্রাম জেলাসমূহের নিম্নাঞ্চল স্বাভাবিক জোয়ারের চেয়ে ২-৪ ফুট অধিক উচ্চতার জোয়ারে প্লাবিত হতে পারে।

উত্তর বঙ্গোপসাগর অবস্থানরত সকল মাছ ধরার নৌকা ও ট্রলারকে পরবর্তী নির্দেশ না দেয়া পর্যন্ত নিরাপদ আশ্রয়ে থাকতে বলা হয়েছে।

আজ ২৭ মে, ২০২১ ইং তারিখ ভোর ০৪.০০ ঘটিকা হতে দুপুর ০১টা পর্যন্ত দেশের অভ্যন্তরীণ নদী বন্দরসমূহের জন্য আবহাওয়ার পূর্বাভাসঃ

রাজশাহী, পাবনা, বগুড়া, টাঙ্গাইল, ফরিদপুর, ঢাকা, যশোর, কুষ্টিয়া, খুলনা, বরিশাল, পটুয়াখালী, নোয়াখালী, কুমিল্লা, চট্টগ্রাম এবং কক্সবাজার অঞ্চলসমূহের উপর দিয়ে দক্ষিণ-পূর্ব/দক্ষিণ দিক থেকে ঘন্টায় ৬০-৮০ কি.মি. বেগে বৃষ্টি/বজ্রবৃষ্টিসহ অস্থায়ীভাবে ঝড়ো হাওয়া বয়ে যেতে পারে। এসব এলাকার নদীবন্দর সমূহকে ২ নম্বর নৌ হাওয়া সংকেত (পুনঃ) ২ নম্বর নৌ হাওয়া সংকেত দেখাতে বলা হয়েছে। এছাড়া দেশের অন্যত্র অঞ্চলসমূহের উপর দিয়ে একই দিক থেকে ঘন্টায় ৪৫-৬০ কি.মি. বেগে বৃষ্টি/বজ্রবৃষ্টিসহ অস্থায়ীভাবে দমকা/ঝড়ো হাওয়া বয়ে যেতে পারে। এসব এলাকার নদীবন্দর সমূহকে ১ নম্বর (পুনঃ) ১ নম্বর সতর্ক সংকেত দেখাতে বলা হয়েছে।

২৬মে২০২১খ্রিঃ তারিখ সকাল ০৯টা থেকে পরবর্তী ২৪ ঘন্টার আবহাওয়ারপূর্বাভাসঃ

সিনপটিক অবস্থাঃ উত্তর-পশ্চিম বঙ্গোপসাগর ও তৎসংলগ্ন এলাকায় অবস্থানরত প্রবল ঘূর্ণিঝড় ‘ইয়াস’ আরও ঘনীভূত হয়ে অতি প্রবল ঘূর্ণিঝড়ে পরিণত হয় এবং উত্তর-উত্তরপশ্চিম দিকে অগ্রসর হয়ে ২৬ মে ২০২১ দুপুর ১২ টা থেকে ০৩ টার মধ্যে ডামরার উত্তর এবং বালেশোরের দক্ষিণ দিক দিয়ে ভারতের উত্তর উড়িষ্যা-পশ্চিমবঙ্গ উপকূল অতিক্রম করে। এটি পরবর্তীতে স্থলভাগের উপর দিয়ে আরো উত্তর-উত্তরপশ্চিম দিকে অগ্রসর ও দুর্বল হয়ে প্রমে প্রবল ঘূর্ণিঝড়, পরবর্তীতে ঘূর্ণিঝড় এবং গভীর নিম্নচাপ আকারে পরিণত হয়ে আজ (২৭ মে ২০২১) সকাল ০৬ টায় ভারতের উড়িষ্যা ও তৎসংলগ্ন ঝাড়খন্দ এলাকায় অবস্থান করছিল। এটি স্থলভাগের উপর দিয়ে আরো উত্তর-উত্তরপশ্চিম দিকে অগ্রসর হয়ে ক্রমাগত দুর্বল হয়ে যেতে পারে।

পূর্বাভাসঃ খুলনা, বরিশাল, ময়মনসিংহ, রাজশাহী ও রংপুর বিভাগের অধিকাংশ জায়গায় এবং ঢাকা, চট্টগ্রাম ও সিলেট বিভাগের কিছু কিছু জায়গায় অস্থায়ীভাবে দমকা/ঝড়ো হাওয়াসহ বৃষ্টি/বজ্রসহ বৃষ্টি হতে পারে। সেই সাথে দেশের পশ্চিমাঞ্চলের কোথাও কোথাও মাঝারী ধরনের ভারী থেকে ভারী বৃষ্টি হতে পারে।

তাপমাত্রাঃ সারাদেশে দিন এবং রাতের তাপমাত্রা প্রায় অপরিবর্তিত থাকতে পারে।

পরবর্তী ৭২ ঘন্টার আবহাওয়ার অবস্থা (৩ দিন): বৃষ্টিপাত প্রবনতা হ্রাস পেতে পারে এবং তাপমাত্রা বৃদ্ধি পেতে পারে।

গতকালের সর্বোচ্চ ও আজকের সর্বনিম্ন তাপমাত্রা (ডিগ্রী সেলসিয়াস):

বিভাগের নাম	ঢাকা	ময়মনসিংহ	চট্টগ্রাম	সিলেট	রাজশাহী	রংপুর	খুলনা	বরিশাল
সর্বোচ্চ তাপমাত্রা	৩২.৫	৩২.৯	৩৪.৫	৩৬.০	৩২.০	৩৩.৬	৩২.০	৩২.৫
সর্বনিম্ন তাপমাত্রা	২৫.৪	২৭.৭	২৩.৯	২৬.৫	২৫.০	২৪.২	২৪.৪	২৫.৭

গতকাল সর্বোচ্চ তাপমাত্রা ছিল শ্রীমঙ্গল

৩৬.০^o সেঃ এবং আজকের সর্বনিম্ন তাপমাত্রা সন্দ্বীপ ২৩.৯^o সেঃ।

(সূত্রঃ বাংলাদেশ আবহাওয়া অধিদপ্তর, ঢাকা।)

অগ্নিকান্ডের তথ্যঃ

ফায়ার সার্ভিস ও সিভিল ডিফেন্সের নিয়ন্ত্রণ কক্ষের তথ্য (মোবাইল এসএমএস) থেকে জানা যায়, ২৫মে, ২০২১খ্রিঃ তারিখ রাত ১২.০০টা থেকে ২৬মে, ২০২১খ্রিঃ তারিখ রাত ১২.০০টা পর্যন্ত সারাদেশে মোট ১৫টি অগ্নিকান্ডের ঘটনা ঘটেছে। বিভাগভিত্তিক অগ্নিকান্ডে নিহত ও আহতের সংখ্যা নিম্নে দেওয়া হলঃ

ক্রঃ নং	বিভাগের নাম	অগ্নিকান্ডের সংখ্যা	আহতের সংখ্যা	নিহতের সংখ্যা
১।	ঢাকা	২	০	০
২।	ময়মনসিংহ	১	০	০
৩।	বরিশাল	০	০	০
৪।	সিলেট	২	০	০
৫।	রাজশাহী	১	০	০
৬।	রংপুর	২	০	০
৭।	চট্টগ্রাম	৩	০	০
৮।	খুলনা	৪	০	০
	মোট	১৫	০	০

দুর্যোগ ব্যবস্থাপনা ও ত্রাণ মন্ত্রণালয় কর্তৃক গৃহীত ত্রাণ কার্যক্রমঃ

১। দুর্যোগ ব্যবস্থাপনা ও ত্রাণ মন্ত্রণালয় ২৬/০৫/২০২১ তারিখের ৫১.০০.০০০০.৪২১.১৪.০৩৭.২০.১৭৪ নম্বর স্মারকের মাধ্যমে ঘূর্ণিঝড় 'ইয়াস' এর প্রভাবে উপকূলীয় ৯টি জেলার ২৭ উপজেলায় ক্ষতিগ্রস্তদের মানবিক সহায়তা প্রদানের লক্ষ্যে ১৬,৫০০ প্যাকেট শুকনা ও অন্যান্য খাবার সংশ্লিষ্ট জেলা প্রশাসকগণের অনুকূলে বরাদ্দ দেওয়া হয়েছে।

ক্রমিক নং	জেলার নাম	উপজেলার নাম	উপজেলায় শুকনা ও অন্যান্য খাবার বরাদ্দের পরিমাণ (প্যাকেট)	জেলায় মোট শুকনা ও অন্যান্য খাবার বরাদ্দের পরিমাণ (প্যাকেট)
১	সাতক্ষীরা	শ্যামনগর	১,৩৫০	১,৯৫০
		আশাশুনি	৬০০	
২	খুলনা	কয়রা	৭৫০	২,১০০
		দাকোপ	৬০০	
		পাইকগাছা	৭৫০	
৩	বাগেরহাট	শরণখোলা	১৫০	৯০০
		মোংলা	৬০০	
		মোড়েলগঞ্জ	১৫০	
৪	পিরোজপুর	মঠবাড়ীয়া	১৫০	১৫০
৫	বরগুনা	বরগুনা সদর	৬০০	১,৫০০

		পাথরঘাটা	১৫০	
		আমতলী	৭৫০	
৬	পটুয়াখালী	পটুয়াখালী সদর	৩০০	৩,৩০০
		গলাচিপা	৬০০	
		রাঙ্গাবালী	৭৫০	
		দশমিনা	৪৫০	
		মির্জাগঞ্জ	৯০০	
		কলাপাড়া	৩০০	
৭	ভোলা	চরফ্যাশন	১,৩৫০	৩,৭৫০
		মনপুরা	৬০০	
		তজুমদ্দিন	৬০০	
		দৌলতখান	৩০০	
		বোরহানউদ্দিন	৩০০	
		ভোলা সদর	৬০০	
৮	নোয়াখালী	হাতিয়া	১,৬৫০	১,৬৫০
৯	লক্ষ্মীপুর	রামগতি	৬০০	১,২০০
		কমলনগর	৬০০	
	মোট=	২৭টি		১৬,৫০০

২৮-৫-২০২১

কামরুন নাহার

ভারপ্রাপ্ত কর্মকর্তা

ফোন: ৮৮০-৫৮৮১১৬৫১

ফ্যাক্স: ৮৮০-২-৯৮৯১৯২৬

ইমেইল:

controlroom.ddm@gmail.com

ভারপ্রাপ্ত কর্মকর্তা-১

এনডিআরসিসি অনুবিভাগ

দুর্যোগ ব্যবস্থাপনা ও ত্রাণ মন্ত্রণালয়

স্মারক নম্বর: ৫১.০১.০০০০.০২৭.১৫.০০১.১৮.১৬৯/১(১৭০)

তারিখ: ১৪ জ্যৈষ্ঠ ১৪২৮

২৮ মে ২০২১

সদয় অবগতি ও কার্যার্থে প্রেরণ করা হল: (জ্যেষ্ঠতার ক্রমানুসারে নয়)

- ১) মন্ত্রিপরিষদ সচিব, মন্ত্রিপরিষদ বিভাগ
- ২) প্রধানমন্ত্রীর মুখ্য সচিব, প্রধানমন্ত্রীর কার্যালয়
- ৩) সচিব, প্রধানমন্ত্রীর কার্যালয়
- ৪) সচিব, দুর্যোগ ব্যবস্থাপনা ও ত্রাণ মন্ত্রণালয়
- ৫) সচিব, স্বাস্থ্য সেবা বিভাগ
- ৬) মহাপরিচালক, দুর্যোগ ব্যবস্থাপনা অধিদপ্তর
- ৭) বিভাগীয় কমিশনার (সকল)
- ৮) পরিচালক (সকল), দুর্যোগ ব্যবস্থাপনা অধিদপ্তর
- ৯) জেলা প্রশাসক (সকল)
- ১০) প্রতিমন্ত্রীর একান্ত সচিব, মাননীয় প্রতিমন্ত্রী মহোদয়ের দপ্তর, দুর্যোগ ব্যবস্থাপনা ও ত্রাণ মন্ত্রণালয়
- ১১) উপ-পরিচালক (সকল), দুর্যোগ ব্যবস্থাপনা অধিদপ্তর
- ১২) জেলা ত্রাণ ও পুনর্বাসন কর্মকর্তা (সকল)

২৮-৫-২০২১
কামরুন নাহার
ভারপ্রাপ্ত কর্মকর্তা